

15 JUN 2003

Erdogan-Berlepas

PM TURKI BERLEPAS KE ISLAMABAD UNTUK LAWATAN DUA HARI

KUALA LUMPUR, 15 Jun (Bernama) -- Perdana Menteri Turki Recep Tayyip Erdogan, yang menamatkan lawatan rasmi tiga hari ke Malaysia, hari ini berlepas ke Islamabad, Pakistan untuk memulakan lawatan rasmi dua hari di negara itu.

Timbalan Menteri Perusahaan Utama Datuk Anifah Aman yang juga menteri pengiring berada di Kompleks Bunga Raya, Lapangan Terbang Antarabangsa KL (KLIA) di Sepang, dekat sini untuk mengucapkan selamat jalan kepada Erdogan dan rombongannya.

Pesawat Airbus A-340 yang membawa Erdogan, isterinya Emine dan 200 anggota rombongannya termasuk tiga menteri dan sembilan Anggota Parlimen, berlepas dari KLIA kira-kira 1.15 petang.

Sepanjang lawatannya ke negara ini, Erdogan telah mengadakan pertemuan dengan Perdana Menteri Datuk Seri Dr Mahathir Mohamad dan Timbalan Perdana Menteri Datuk Seri Abdullah Ahmad Badawi bagi membincangkan hubungan dua hala antara Kuala Lumpur dan Ankara.

Erdogan dan anggota delegasinya turut mengadakan pertemuan dengan beberapa menteri bagi mengetahui peluang-peluang baru meningkatkan kerjasama dua hala dalam bidang ekonomi, perdagangan, kebudayaan dan pelancongan.

Jumlah dagangan antara Malaysia dan Turki bernilai lebih AS\$200 juta tahun lepas.

Semasa ditemui Bernama sebelum berlepas, Erdogan berkata, "Lawatan kami ke Malaysia adalah berhasil dan bermanfaat."

"Kami menerima layanan baik. Saya mengucapkan terima kasih kepada para menteri Kabinet terutamanya Perdana Menteri Dr Mahathir di atas layanan baik dan murah hati beliau," katanya.

-- BERNAMA

RIZ BK NAK